

Еліміздің тұмары, елдігіміздің шынары - Тәуелсіздік

Тәуелсіздік-бабаларымыздың аңсауымен, батырларымыздың білек күшімен келген еркіндігіміз. Тәуелсіздік - елдің, халықтың, ұлттың еркіндігі. Бұл таңбасы таста, қаны қара топырақтың тамырында жатқан құдіретті де киелі сөз. Біз бұл күнге халқымыздың ұмтылысы мен өшпес қайсар рухының арқасында жеттік. Бостандыққа жету үшін халқымыздың басынан қайғылы күндер аз өткен жоқ. Ащы тер мен қанша жазықсыз адамдардың қан төгуімен келді.

Еліміз тәуелсіздікті қолына алғанына небәрі 27 жыл болды. Бұл әрине көп уақыт емес, бірақ бір елдің аяғына тік тұруына берілген аз да уақыт емес. 27 жыл ішінде біз көптеген жетістіктерге жеттік, біздің мемлекетіміз дүниежүзін тамсандырып келеді.

Тәуелсіздіктің арқасында жастарға, көптеген мүмкіндіктер беріліп жатыр. Қаншама жас грант иегері атанып, Жоғарғы оқу орындарында

қалаған мамандықтары бойынша оқып, білім алуда. Осының бәрі тәуелсіздігіміз бен Елбасымыз Н.Ә.Назарбаевтың бастамасының арқасында жүзеге асып жатқаны баршаға мәлім.

Келешек біздің, жастардың қолында. Ұлттың болашағы, елдің ертеңі - біз. Өз елімізді одан әрі көркейтіп, Тәуелсіздігімізді тұғырлы етуге барымызды саламыз!

Осы мереке қарсаңын-

да, АрқМПИ химия, биология және география кафедрасының 5В011300 «Биология» мамандығының 1 -курс студенттері қала тұрғындары мен қонақтарын Қазақстан халқын Тәуелсіздігі күні мерекесімен шын жүректен құттықтайды.

Ұлттық қасиетіміз бен құндылықтарымызды ұлықтап, ұлттық намысымызды оятқан, әлемге қазақты азаттық сүйгіш, рухы биік халық ретінде жариялаған -Тәуелсіздік күні құтты болсын! Отбасыларыңызға амандық, дендеріңізге саулық тілейміз.

Садокат ТУРАХАНОВА,
Арайлым НҰРМАХАН
АрқМПИ,
химия, биология және
география
кафедрасының
«Биология»
мамандығының
1-курс студенттері